

本色帶有輕齋未京收買聽令各照時價換易不許  
聽信無藉之人包攬進納敢有將鈔批剗描補及偽  
造鉛錫破爛等錢行使及攪頭人等乘機誣騙坑陷  
納戶許令各該巡視人員拿送法司究問如待益  
寃見行事例發落緣係申明禁革假錢流通鈔法等  
項及奉

欽依該部看了未說事理未敢擅便具題本月初四日奉  
聖旨是欽此

各處鈔關收鈔及山東山西直隸紙關西文行

解京

咸化十六年正月二十八日戶部尚書傳等題為預  
積糧儲事照得近年以來天下司府州縣連遭水旱  
災傷人民艱窘公私匱乏兼以內外大小衙門年例該  
用軍需等料歲辦一應錢糧等項悉出於民各邊歲  
計錢糧草束與史動調軍馬供給亦皆取辦於下用  
度日見增添財力愈至困竭況太倉見貯銀兩不下  
三十萬數終此數以供邊儲則無二年之用矧今災傷  
去處免賦稅數多若不權宜處置多方匿晷切恐  
財用缺乏有誤國用臣等專職錢穀實切等慮  
今將議擬合行事件開坐節該奉

聖旨准擬行欽此

計開

壹清船料以除奸弊照得順天府河西務等關收受往來客商船料鈔貫每年大約收鈔二千四百餘萬成化七年本部為照各處委官不得其人多有通同量致鈔額或少累年不完已經奏

准差官前去各處監收比之往年鈔數頗多後因各官有例取回仍行各府委官照依本部委官收過鈔額收解近年以來各府委官不行從公量度收受或私自受財而賣放或通同作弊而侵分以致鈔數不及原額訪得江南每年鈔一貫該收銀一分或銅錢八九文俱被委官貪緣勢豪之人包攬來京却收買紙鈔每一千貫僅可值銀三兩上焉無益於國課下焉有損於民若不另於處置切恐國課日減深為未便

除湖廣荊州該納船料鈔貫留被又用及順天府河西務山東臨清淮安板閘等鈔關仍將錢鈔解京外其揚蘇州杭州九江等鈔貫合無斟酌平價暫將今收夏秋扣至明年春季一年該收船料每鈔一貫八折收銀一分傾瀉成錠按季差人解部備用支用以後仍收鈔貫其收鈔委該府堂上的當官一員照依本部原收船料則例收受務使原額不失每季終解納俱依水程限期到部敢有違限者原委官員問罪任俸如此則日課不敢虧減商人免致措勒有益於官民矣